

4. apríli 2016

UPA2016/108

Ilanngussaq 1



JUSTITS MINISTERIET

Civilafdelingen

Kontor: Nordatlantenheden
Sagsbeh: Sabine Heestermans
Svendsen
Sagsnr.: 2015-4006-0020
Dok.: 1761091

UPA2016/108
ISNN - Suliap nr. 2016-231

PINGAARNERSIUNEQ

**Pinerluuteqarsimasunik tunniussisinnaatitaaneq pillugu inatsisip
ilaata allanngortinneqarnissaa pillugu inatsisip Kalaallit Nunaanni
atuutilersinneqarnissaanik kunngip peqqussutissaatut missiliuut**

Kalaallit Nunaanni Inatsisartut ulloq 2. december 2015
aalajangiiffigisassatut siunnersuutit akueraat Kalaallit Nunaata
ilannguffigisagaa nunat tamalaat akornanni isumaqatigiissut 13. april
2005-imeersoq atomip nukinganik qunutitsiniuteqartarneq akiorniarlugu
isumaqatigiissut kiisalu Det Internationale Atomenergiagenturip 8. juli
2005 atomip nukinganik imalinnik tigussaasumik illersuisinnaanermut
isumaqatigiissutaanut allannguutissatut isumaqatigiissutip
ilannguffiginissaa.

Isumaqatigiissutit pineqartut piumasaraat politikikkut pinerluttoqartillugu
tunniussisinnaatitaaneq, maannakkut tunniussisinnaatitaaneq pillugu
inatsimmi Kalaallit Nunaannut atuuttumi periarfissaanngimmat.

Tamanna toqqammavigalugu Inatsiseqarnermut Ministereqarfik aamma
Illersornissamut Ministereqarfik (Upalungaarsimanermut aqutsisoqarfik)
isummerput tunniussisinnaatitaanermut inatsimmi § 5, imm. 3, nr. 5 aamma
6, Kalaallit Nunaannut atuuttussanngortinneqarnissaat pisariaqartoq.

Aalajangersakkat atuutinneqalernerisa kingunerisussaavaat politikikkut
pinerluuteqarsimasut tunniunneqarsinnaalernissaat, pinerluutigineqartoq
isumaqatigiissutinut pineqartunut ilaappat.

Isumaqatigiissutit Kalaallit Nunaanni atuussinnaalersinnissaat
siunertaralugu Inatsiseqarnermut Ministereqarfik kunngip
peqqussutissaanut siunnersuusiorpoq tunniussisinnaatitaaneq pillugu
inatsisip aalajangersagaasa ilaat taaneqartut pillugit (inatsit nr. 378 6. juni
2002-meersoq aamma inatsit nr. 494 12. maj 2010-meersoq).

Taassuma saniatigut Inatsiseqarnermut Ministereqarfiup –
Namminersorlutik Oqartussat isumasioreerlugit – kunngip
peqqussutissaanut siunnersuummi ammaassivigaa
tunniussisinnaatitaanermut inatsimmi aalajangersakkap allannguutissatut
inatsisip aappaani (inatsit nr. 494 12. maj 2010-meersoq) eqqunneqartup
atuutilernissaa. Pineqartoq tassaavoq tunniussisinnaatitaaneq pillugu
inatsisimmi § 5, imm. 3, nr. 7 politikikkut pinerluttoqartillugu
tunniussisinnaanermut tunngasoq immakkut angallannikkut

isumannaatsuunissamut unioqqutitsisumik pinerlunnerit pillugit ilaatigut isumaqatigiissummi 10. marts 1988-imeersumi taaneqartut.

Inatsit nr. 378 6. juni 2002-meersoq aamma inatsit nr. 494 12. maj 2010-meersoq ilanngunneqarput.